

### کیفیت شہادت مولیٰ امیر المؤمنین علی علیه السلام

گوروم خراب اولای دل بو چرخ فتنه گری  
 گتوردی تنگه شه لافتانی فتنه لری  
 او قدری محنته توش ایلدی او مولانی  
 که شرحنه قلم عاجزدی خوشدی مختصری  
 گیردی کهنه لباس اوج قدر تینده او شاه  
 او آج قالاردی دویا کوفه نون یتیم لری  
 اودور که قزلارینا خدمت ایتدی کوفه لی لر  
 قالور رقیه سینون یوزده ایندی ده اثری  
 غرض گریز دگل ابتدای مطلبده  
 بو یرده لازمیدی مُبتدانون نوز خبری  
 او غم لریکه علی هضمه ویردی قلبنده  
 دیسیدی خلقه یقین یاندراردی بحر و بری  
 فراق فاطمه یر هجر رسوله دوزدی او شاه  
 ایدوبدی صبری حریفان پست و شومی جری  
 جهاندا وار ایکی محنت که یاندرار هامینی  
 خصوص علی کیمی مرد دلیر و دادگری

بیری بودور اولا بیر عالم و سخنور شخه  
 آیلدا خلقی دانشدیقجا نطقنون کسری  
 اوتون دانشماقنا مانع اولسا حاکم زور  
 اورکده حبس اولونار علمی چونخلاشار کدری  
 ایکمجسی بودی بیر شخص اولا شجاع و دلیر  
 زمانه قوللارینی باغلیا یانار جگری  
 علی هم عالمیدی هم شجاعیدی اما  
 الی قولی دلی باغلیدی سنمشیدی پری  
 قالوب ایگرمی بشئیل باغلی باب شهر علوم  
 سالوبدی حیره صبری قضائیلن قدری  
 اوتوردی مسند خیرالبشرده معدن شر  
 قالوب فضاوته حسرت عدالتون پدری  
 دوشوب قیافه احکام دین نچه شکله  
 سالوب ظلالته چوخ مردمان خیره سری  
 بهشت علیدی که یاندیردیلار گرم قاپوسین  
 تعصیبه اودم دوتدیلار ره سقری

خلاصه گوشه عزلتده محور افلاک  
 او قدر اوتوردی دوزلدی قضائیلن قدری  
 یتوب خلافته تا کوفه مخالفده  
 بش ئیل خلافتیده اولدی برق تک سپری  
 نُوزده رمضان سال قرخ هجرتده  
 ایشیت علی قزی کلثومدن بو بیر خبری  
 دیور آتام منه مهمانیدی همان اوگجه  
 باخاندا سفره افطاره آخدی اشگری  
 یوخیدی سفرهده هرچند رنگ رنگ غذا  
 صودیدی دوز، ایکی نان جوئینده ماخضری  
 دیدی قزیم بو صود آرتقدی بسدی نان و نمک  
 گوتور بو شیری سالار تر کمنده شیر نری  
 ایکی غذائیله من ایلوم نجه افطار  
 امیر عیش ایده واردور رعیتته ضرری  
 پسه مُبلغ دین گر دویونجا بیت المال  
 محال نخله تقواسینون اولا ثمری

## تجدید مطلع

منی تانور بو دیا ون فقیر و بیوه لری  
 منہ باخور هامی پر و علیل و صودامری  
 بو شهریدہ آتاسیزہ آتا بلولہ منی  
 بوگون منم او بتیمان بی پدر - پدری  
 همان یتیم لر الان منی گوزتلولر  
 چتین یاتا منی تا گورمینہ بیر نفری  
 رثوف قلبوہ قربان آیا امیر عرب  
 کہ یوخلادون هامی بی خانمان و درپردری  
 ندندی یوخلامادون ٹوزیتیمہ قزلاروی  
 دونندہ شامیدہ شامہ او قزلارون سحری  
 دگلدون آگہ او قزلار طعامہ حسرتیدی؟  
 یوخیدی هیچ خبرون آج یاتاردی عمہ لری  
 غرض کہ عذریمی حُضار ایلسونلہ قبول  
 اول کی مطلبی تعقیب ایدیم یازیم خبری

خانم دیور که بابام ایلدی نمازه قیام  
 او خوردی ذکر حقی تا که درک ایدوب سحری  
 گوگین ستاره لرینه بانخاردی حسرتلن  
 تو کردی مه یوزه اشگین ستاره تک بصری  
 چخوبدی صحنه گیدنده نماز صبحه اوشاه  
 تو کولدی بیر نچه مرغابی آلدی دوروبری  
 یاپشدی یار اتگیندن که یعنی گیتسه آقا  
 بلالی باشون اولار خنجر جفا سپری  
 غرض منه اولاری تاپشروب گیدن وقته  
 ئیلشدی حلقه دره باز اولوب اودم کمری  
 قرائت ایلدی بیر شعر بو عبارتلن  
 بئلوی باغلا، ئولوم حقدی درک ایدر بشری  
 چخوبدی مأذنه مسجده ویروبدی اذان  
 دوشوب اشاقه اویاتدی عموم خیر و شری  
 دایاندی قبله آفاق رو به قبله اودم  
 تاپوپ قیامی تاپان وقته حالت دگری

گیدنده سجديه سجده ایدوب ملائک عرش  
 دایاندی ایتمدی ابلیس فرقه کفری  
 مُرادى اوغلی آتوب خنجر مُرادہ الین  
 که قطع ریشه ایده تا او پُر ثمر شجری  
 او اقتدا ایلین حمله مقتدایه ایدوب  
 سالوبدی عرصه محرابه آیت ظفری  
 او قدری ایشلدی تیغ جفا علی باشنا  
 دونیم اولوب گوزل آلندا سجده نون اثری  
 جمال شیر خدادن توکولدی خون خدا  
 خسوفه یتدی سپهر ولایتون قمری  
 او کوفه ده ایکی باشندان آخوبدی ثارالله  
 که هر ایکیسینه قان اولدی زینبون جگری

بیری علی باشیدی آخدی قانی محرابه  
 جهاندا قویدی آتاسیز شُبیریلین شَبَری  
 ایکمجی نیزه باشندا او داش دگن باشیدی  
 آخاندا قانی اونا دوشدی زینبون نظری

با خوب او گل یوزه گوردی که قان قارشدی کوله  
 هُما کیمین خانمون سندی محمل اوسته پری  
 سوزین قوتاردی خموش اولدی دینمدی زینب  
 سالوبدی کوفه‌نی یادینه اولین سفری

او وقته گل گتورن گوردی بامیدن داش آتور  
 او گونده عطر سَپن اود توکور اولوبدی جری  
 گوروب گنه دانشا آشنائیلن خوشدور  
 دوتوب حسینه یوزین بحر عصمتون گهری

دیدى حسین بو حیاسیز جماعتی گوروسن  
 روا گوروبله بیزه جور و ظلم بیشمری  
 کانه هیچ تانیموللار که من علی قیزیام  
 دیولله آدیمزه خارجی همین قدری

بوگون بو شهر مسلماندا بیر مسلمان یوخ  
 عوض اولوبدی بو قومون وفاسینون صُوری  
 واریمدی بیرجه سوزوم حیف اولاباخان یوخدور  
 بو امره حالی ایده نیزه‌دار بد سیری